

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA PRIVREDU, LOKALNI RAZVOJ I INSPEKCIJSKE POSLOVE

Broj: 08-04-4897/20
Lukavac, 13.10.2020. godine

Na osnovu člana 64. stav (1). tačka a), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) te Preporuke Komisije za provođenje postupka javne nabavke broj: 08-04-4897/20 od 12.10.2020. godine u otvorenom postupku javne nabavke usluge za izradu projektne dokumentacije uređenja i zaštite poljoprivrednog zemljišta na području K.O.Milino Selo i K.O. Brijesnica Donja Pomoćnik općinskog načelnika za Službu za privredu, lokalni razvoj i inspeksijske poslove d o n o s i

O D L U K U
o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke broj: 08-04-4897/20 od 12.10.2020. godine i ugovor dodjeljuje se ponuđaču "TQM" d.o.o. Lukavac, Institut za kvalitet, standardizaciju i ekologiju ponuda broj: 1-517/20 od 07.10.2020. godine, za ponuđenu cijenu u vrijednosti od 11.000,00 KM bez PDV-a, kao najpovoljnijem ponuđaču.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 08-02-4882/20 od 17.09.2020. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 11.226,00 KM.

Obavještenje o nabavci broj: 719-1-2-59-3-90/20 objavljeno je na Portalu javnih nabavki dana 18.09.2020. godine.

Komisija za provođenje postupka nabavke imenovana Rješenjem broj: 02-04-19-37/20 od 23.09.2020. godine dostavila je ugovornom organu-Pomoćniku općinskog načelnika za Službu za privredu, lokalni razvoj i inspeksijske poslove Zapisnik o pregledu i ocjeni ponuda broj: 08-04-4897/20 od 12.10.2020. godine, Preporuku o izboru najpovoljnijeg ponuđača broj: 08-04-4897/20 od 12.10.2020. godine i Izvještaj o radu broj: 08-04-4897/20 od 12.10.2020. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljena jedna ponuda;
- da je blagovremeno primljena jedna ponuda;
- da nije bilo neblagovremeno primljenih ponuda;
- da je ponuda ponuđača "TQM" d.o.o. Lukavac, Institut za kvalitet, standardizaciju i ekologiju kvalifikovana i prihvatljiva, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 11.226,00 KM i da je kriterij za dodjelu ugovora ekonomski najpovoljnija ponuda sa podkriterijima cijena 98% i rok plaćanja 2%.

Ponuđač "TQM" d.o.o. Lukavac, Institut za kvalitet, standardizaciju i ekologiju dostavio je prihvatljivu ponudu sa cijenom od 11.000,00 KM bez PDV-a i rokom plaćanja 60 (šezdeset) dana koja je u odnosu na kriterij za dodjelu ugovora ocijenjena kao najpovoljnija.

Iz navedenih razloga, primjenom člana 64. stav (1) tačka a) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac-Služba za privredu, lokalni razvoj i inspeksijske poslove, Trg Slobode 1, 75300 Lukavac. Žalba se podnosi u najmanje tri primjerka.



POMOĆNIK OPĆINSKOG NAČELNIKA
ZA SLUŽBU ZA PRIVREDU, LOKALNI RAZVOJ I
INSPEKCIJSKE POSLOVE

(ovlaštenje broj: 02-30-2885/20 od 02.06.2020. godine)

Esad Suljić, dipl.pravnik

Dostaviti:

1. TQM" d.o.o. Lukavac, Institut za kvalitet, standardizaciju i ekologiju i
2. Arhivi.-